

光緒鎮海縣志

鎮海縣志卷二十七

列女傳下

國朝

二

沈氏貢生陳寅妻生三子年三十六與夫俱病夫歿欲與之俱死舅姑曲諭之乃止始服藥而病漸愈請命於舅延其父以教子以藩有聲庠序舅兆鼎久病臥床七載湯藥必躬親未嘗委及娣姒舅歿姑丁氏老而目盲飲食起居皆沈扶持之經十載不倦年六十卒學使阮元以懿德足嘉表其廬

鎮海備志

李氏費永年妻年二十八而寡李事姑惟謹勵節撫孤力持艱苦邑令魏以荼苦而甘表其門

鎮海備志

丁氏林廷式妻年十九歸林二十一歲夫卒遺腹生子元彩茹素守節奉姑撫幼勞勤備嘗迨元彩弱冠娶媳張氏成婚未久元彩又卒遺一子鴻飛時張年二十六姑媳晝夜紡織營宅置產二蔘相濟以成嘉慶二年題

旌陳志案

茹氏年二十一歸張維城越九載維城卒茹堅志苦守歷數十年如一日子一謙太學生長孫希中由附貢分發江蘇主簿次孫希和中嘉慶庚申

恩科武舉人

鎮海備志

傅氏范楨妻于歸四載而寡舅姑俱早歿傅年二十四無子矢志守貞足不越庭戶乾隆五十三年兩遭火燬傅力持艱苦撫嗣子炯習儒業督課甚嚴冰檠之操垂老愈勁

嘉慶五年督學劉獎以荻影霜清題額卒年七十二

采訪冊

周氏歸儒士包復初姑前亡事舅以孝會復初遭奇疾頰潰食橫溢周手掩其隙哺之及亟願謂周曰吾累汝吾父老得終事之惟汝賴且汝幸有身若男也則延包氏後者亦惟汝賴語畢而絕周慟不欲生其母曰汝諾而夫矣此非汝死日也乃強進飲食茹苦含哀以婦代子舅亦藉以稍慰明年生子仁義於是仰事俯育以養以教竭力楮拄者數十年嘗兩遇疫一遇火幾瀕於危卒庇其舅與孤以免有夜穴其壁者繼而懼然語曰此包節婦家其毋入夫以穿窬小人猶欽其節畢生之貞操概可知矣居常習詩書能通大義所著有訓略三篇言婦職綦備卒年五十三

鎮海縣志

卷二十七

嘉慶五年題

旌吳錫麒

撰墓志

王宗炎詩
雕冰鏤雪為心肝
不惟其烈惟其難
母也

仗節識大義
捐殉髮膚非所安
良人靜好纒五載
嫂蛇

傷足無金丹
老翁在堂孤在腹
靈牀灑涕涼風酸
婦代

子職母兼父
朝供膏澁背熊丸
鄰人不戒火為虐
扶老

攜幼幸得完
始知天亦憐貞節
試以險阻難推殘
卽今

孤嗣顯
恩詔岡阡待表輝
門闌勾餘山

色鬱終古蒼
蒼松柏凌霄寒
作雪晝靈為愁夜
為泣天

端本國廟詩
東海素濤飛作雪
晝靈為愁夜為泣
天

柱旣折忽生根
天復何仇天何恩
東海節母靈姬亂
作

鴉清門佩清訓
葦蒲盤石堅且韌
同死同生不相吝
老

創墳起狂叫
蒲伏惡馳涎模糊
藎砧不誠蟹厥膚
赤

血吐地草亦枯
咄咄不死心魂徂
以口吮創創肉蘇
創

手代頰口代七
不能將患綴諸已
嗟嗟蒼天竟不起
不

起天乎可奈何
一辭相囑靡有它
雙目鯀鯀指妾腹
兒

若出不死兒已
舉目素幃肅肅靈
風語白楊夜半啼
烏乳夫

為夫為子兒為
父日夕辛荼無與
訴如此缺天天應
補

祝融作惡癘如雷咄嗟盡室隨烟煤扶翁路隅跪塵埃
新婦命苦翁無哀遺孤尙在災非災免哉鬱攸胡爲來
收拾餘燼復何有萬事支持成一手捐館舅滿百年身
到薦兒來千里友艱難門戶復完然垂老無慙告所天
昔以青春爲素暮今持白日入黃泉吁嗟乎人間萬事
皆可爲無益從死徒區區

聖朝義不尙溝壑如母之節何其殊懷
清之臺何爲乎嘻懷清之臺何爲乎

孝婦郭氏吳嘉樂妻其舅連成病革醫藥罔效郭刲股和
藥以進舅病漸愈宗黨以孝稱

采訪
冊

葉氏儒士范垓顯妻結褵甫一載而夫卒苦志堅守藉女

紅以自給守節三十九年嘉慶五年題

旌

采訪
冊

周氏王世甲妻年十八因姑喪適王氏舅命留治內政越
三年成婚後三年夫卒勤紡績敬事邁翁立姪爲後年五

十五卒嘉慶八年題

旌

陳志
彙

列女下

金氏雙節金一聖妻劉氏于歸九載而寡生一子名二榮撫養成立娶媳華氏越五載而子又亡時媳年二十六遺腹生子姑媳同心堅守俱以壽終學使文甯以筠心共勵

額表其門

鎮海備志

張氏楊人機妻諸生楊秉輝母學使文甯旌其門曰節凜

冰霜

鎮海備志

夏氏諸生雲奇女少以孝稱年十七歸鄞邵誠立時舅姑已歿事夫之叔父母得其懽心誠立耽書史誦讀外弗他計家業中落而質弱多病醫藥諸費夏靡不罄嫁資竭蹶補綴方舉一男夫遽抱且歎曰相者謂吾不宜見子恐於我不利未幾以哭妹過哀成勞瘵病臥一載自知不起握

夏手訣曰此子無伯叔兄弟兩世零丁所賴惟汝汝其爲我留一塊肉撫養成人徒含淚求殉呱呱者將誰託及夫死絕而復蘇念夫訣別語乃強視事敗屋數椽僅蔽風雨又被鄰火毀巢不得已遷居母家拮据築室母子兩人淒然相對蓋無日不在飲冰茹蘗中也其子彥聽於嘉慶八

年具事額

旌如例

鄞志參陳之綱撰傳

童氏國子監生陳斌妻年二十三而寡姑染目疾童扶持

十餘年遺一子孔學

孔一作乾

撫養成立援例入監娶盛氏生

二子不數年孔學又卒姑媳共勵柏舟長孫聖與亦娶盛

氏年十九于歸未及一載而聖與又卒盛氏因痛子漸染

瘋疾聖與妻盡心湯藥撫養遺腹子世佐艱苦備嘗克底

成立三世貞操並於嘉慶十一年題 旌

姚氏年十七適職員劉元忠夫病焚香默禱願以身代及卒誓不欲生咸勸慰之乃止遺孤五月而殤事舅姑盡孝鄰有不戒於火姚獨負瘋姑而出仰天哀籲風爲之返教養繼子亨渭成立守節二十餘年嘉慶十一年題 旌

陳志

顧氏陸建封妻于歸四載而夫卒苦志守貞事舅姑惟謹撫子夢蘭長列成均卒年六十一邑令陸玉書以松貞晚

茂旌之

鎮海備志

林氏林聖德女許字王士珍甫及笄士珍病卒女欲往治其喪父母阻之卒不能奪括髮至夫家繼從子以續夫後

苦節終身

陳氏傅元棧妻姑徐病甚篤醫藥罔效時元棧宦粵東陳計無所出默禱於神割臂肉和藥以進祈以身代宗黨以孝稱嘉慶年間題旌子光焯見人物傳

史氏廩生朱啟鋒妻于歸一載而寡無出家貧舅姑俱年邁史乃鬻妝奩以供甘旨舅歿伯叔困於財史獨任喪葬無諉後伯叔俱故史日勤紡織敬事其姑以夫兄之子爲

嗣

俞氏傅光煥妻

煥一作填

光煥父元棧任廣東鎮平縣典史光

煥奉母命赴廣省親未抵署而卒訃至俞悲號絕粒姑慰之曰汝有遺腹當節哀以全活後果生一男越數年舅欲

乞歸無路資俞乃鬻嫁奩免叔迎舅扶夫柩回里後舅姑相繼抱病俞躬侍湯藥無倦容歿則盡哀盡禮

鄔氏俞知崇妻生子女各一年二十八而寡子尙幼伯叔議分爨舅姑不能禁鄔益勵苦節舅先歿姑多病服藥數年惟鄔侍奉周至姑亦樂與同居課其子廷魁力學爲諸生姑病卒喪葬如禮

胡氏陸覲天妻年二十八而寡生二子家貧勤紡績漏夜課子讀書次子志道年十二有神童之目補郡諸生不數年而夭胡艱苦備嘗卒完其節

王氏顧興望繼妻生一子年二十四而寡夫前娶胡氏生二子王撫之如己出治家嚴謹外人不敢妄入其門其長

媳方生一孫而又寡王以己之備歷艱辛勸勉其志卒年

五十四

鄔氏王國恩妻于歸未期年而寡遺腹生子一國恩兄弟
四人皆早卒無出其舅憫子得孫倍加愛惜而祖孫又皆
多病鄔仰事俯育延醫侍藥十餘年無少懈舅姑歿喪葬
盡禮子承母教鄉黨咸稱之卒年五十八

童氏鄔昌時妻生子女各一年二十四而寡家貧初依叔
妯後緣家口日繁議分析家益窘童紡績度日歷盡辛苦
無怨言卒年六十六

齊氏樂瀛被妻年二十而寡家貧夫病時以婦工供湯藥
事邁年舅姑能盡孝養立繼承祀教以成人

李氏虞孝和妻年二十三而寡家貧無子以夫兄次子爲嗣舅姑相繼歿李勤儉持家藉紡績以撫繼子成人卒年七十五

王氏顧啟郁妻年二十七而寡無子生二女家貧紡績自給族有顧善齋之母青年守志憐其孤寡招與同居共相勸勉撫姪爲嗣生五孫卒年七十三

江氏顧大方妻生一子二女姑多病家貧江日勤紡績以資藥餌年二十八夫卒舅姑年邁江仰事俯育摒擋維艱越數年舅姑俱歿貧益甚子女又相繼卒隻身孤苦鄰族慘心江獨處之坦然以完其節

陸氏傅永芹妻生二子年二十三而寡家貧伯叔分爨舅

姑憫其苦志守節以祀田所入給之陸倍殷孝養及舅姑
歿盡哀盡禮教子有義方

張氏樂雍才妻生一子年二十八而寡家貧勤紡績爲餬
口計教子成立娶媳生孫尙在襁褓而子婦俱卒熒熒子
立苦志完貞

鄭氏陸時暘妻結褵一載而寡遺一子家貧無伯叔之親
鄭勤紡績以度朝暮撫孤成立娶媳生孫而媳又寡撫七
歲孫以慰寡媳焉卒年七十七

韓氏謝維騰妻夫體弱舅姑亦多病賴韓主持家政生二
子越十年舅姑俱歿鬻妝奩買地葬之年二十八夫卒殯
葬盡禮四壁蕭然惟勤儉訓子使之成立

朱氏王全忠妻生一子年二十三而寡又遺腹生一子全忠早歲出繼繼父母卒本生父母議同居共爨朱奉命惟謹勤修婦職平居寡言笑課子讀書長子汝盛補弟子員舅姑相繼卒喪葬盡禮

王氏胡宗豫妻湖北襄陽府同知王興文次女生一女一男年二十三而寡孝養舅姑撫孤十二歲而天王號痛幾死者三舅姑止之曰媳若此奈我邁年何乃掩淚吞聲惟恐失舅姑歡立繼子娶張氏生一女而又寡舅姑亦相繼歿錐心泣血幾無已時里黨咸稱其節孝

貝氏葉周直繼妻前妻周氏生一子一女視如己出結縭一載而寡貝痛不欲生舅姑多方勸慰稍節哀以代子職

舅姑歿典衣奩爲喪葬之資娶媳王氏生二孫年二十七而父寡姑媳相依朝夕紡績足迹不履戶外卒年七十二鄭氏儒士王明耀妻生子女各一俱不育年二十七而寡家貧無生計矢志三十三年備嘗艱苦以夫弟之子爲繼卒年六十

韓氏儒士王明文妻年十九歸王生一子而寡舅姑憐其年少恐難終志韓飲泣告曰吾母貧而寡伯妯獨而寡尙皆勵志吾幸有一子豈忍改適遂撫遺孤與伯妯相敬相勉踰年舅姑歿伯叔窘甚韓與伯妯艱苦同嘗喪葬如禮鄭氏傅永槐妻生一子年二十七而寡子甫四歲鄭痛絕復甦者數次因有遺腹不果自裁越數月又生一男事舅

姑惟謹訓二子甚嚴長男娶胡氏生一女而卒胡氏一如
姑志立次男之子尙垌爲嗣越數年舅姑相繼卒鄭率寡
媳殯葬如禮乾隆間督學李給有書荻揚芳題額尙垌亦
娶胡氏生子甫三歲而又卒胡氏亦如祖姑之志一門三
世苦節同貞鄭氏卒年七十七胡氏卒年七十餘胡氏卒
年五十九以上明州表節錄嘉慶十七年題旌

王氏張家鼎妻年二十九生一子而夫卒家惟邁翁侍奉
歷十餘年無少懈歿則喪葬如禮子崑綱甫成立而又亡
撫繼子道聰以延夫後嘉慶十七年學使周兆基以德標

彤管獎之

鎮海備志

劉氏陳明遠妻年二十九夫卒

子甫三月劉常禱負勤

中饋以事舅姑泊子長娶媳生孫而媳又亡劉與繼媳共撫養成立終身不御羅綺日勤紡織壽至八旬孫修淦登賢書人咸謂節孝之報嘉慶十七年學使周兆基額其堂

曰柏操松齡

鎮海備志

曹氏定籍儒士葉文濬妻寄居泰邱山門曹于歸六年濬暴病卒曹竭力紡織以養舅姑後撫夫弟之子宗槐承繼多病不能苦讀曹以女紅積資俾援例入成均苦志撫孤知教養大義嘉慶十八年題旌

包氏永福令胡維炳側室年十九隨之任越五年遂失所天僅生一女惟嫡是依逾年嫡又卒父母欲奪其志包堅不從時嫡遺女五提攜顧復視之如己出及暮年有嫡孫

嫡曾元孫纍纍在襁褓中咸受其撫育生平勤儉持家雖老無間與親鄰往還肫誠和藹無不稱善年八十四嘉慶二十一年題旌

林貞女靈巖鄉王家道場林聖德女許邑諸生周景之子未嫁而夫死女年甫十二欲至夫家拜奠父母初不許哀求而後許之去遂守夫柩不還

顧貞女許小港諸生樂五昌爲子婦未娶而樂氏子卒終身不改字

以上陳志彙

范貞女楊肇乾聘妻肇乾卒訃聞誓不改適嘉慶十一年歸楊以遂其志年四十一卒嘉慶年間題旌

采訪冊

李氏雙節徐氏李綱仁妻鄭氏近三妻姑媳也俱年二十

餘守志歷久不渝徐年八十卒鄭年五十四卒督學李因培給以兩世完貞題額

采訪冊

胡氏儒士傅華山妻生二子年二十八而寡舅姑痛切喪明胡以時命相慰矢志自守教子成人卒年六十

俞氏儒士鄭拜言妻生二子二女年二十四而寡家貧俞勤紡織以事舅姑舅病日侍湯藥無少懈舅姑俱以壽終賴俞殯葬

鄔氏儒士虞啟豪妻生一子一女夫病甚篤謂鄔曰吾兄弟已分爨家貧兒女俱幼我死將奈何鄔答以是誠在我無貽夫憂夫遂瞑目鄔年裁二十三撫孤成立以完節終王氏韓文忠妻年二十九而寡敬事舅姑及喪葬如禮生

四男一女督責甚嚴兼爲經營家室子皆成立卒年六十九

沈氏江西會昌典史胡昌昺繼妻陳氏諸生胡宗越妻虞

氏一作盧氏儒士胡在沚妻沈生一子一女年二十三而寡家

貧撫孤成立子宗越弱冠入庠娶陳氏亦生一子一女而

宗越又卒孫在沚娶虞氏亦生一子一女在沚又卒沈念

三世孤兒俱以三歲背父痛哭椎心染病而卒年八十四

一門三節宗黨賢之

以上傅胡氏起明州表節錄嘉慶年間題旌

陳氏余從懷妻年二十七夫卒無子僅生一女陳上事邁

姑下撫幼女及女將笄而又亡常依母氏家後以從姪入

繼卒年六十六

俞氏顧大載妻生一子年三十而寡守節三十年仰事俯育備歷艱辛課子天佑讀書爲邑諸生

張氏鄭勉杰妻年十九于歸二十四而寡遺孤僅六月竭力撫養姑終日慟哭張常抱孤以慰之哭泣不敢出聲恐傷姑意家遭火燬田園廢半艱苦自持卒復舊業姑病親侍湯藥衣不解帶者二月餘歿則葬祭盡禮

余氏陳昌熾妻年二十三而寡生一子撫養成立事舅以孝聞苦節三十餘年

王氏陸清序妻年二十六而夫卒苦志守貞董理家政課子甯卽成立援例爲太學生

邵氏三節邵秉衡繼妻包氏歸六載無出而寡撫前室所

生二子如己出長奇英前娶丁氏生二子而歿繼娶陳氏越四載無出而奇英卒次統範娶王氏甫一載無出而統範又卒三寡同心堅守茹苦終身包卒年七十三陳守節三十九年王卒年五十一

陸氏王懋堂妻年二十九夫卒欲投環以殉舅姑諭以大義乃止自是寡言笑勤紡績事舅姑益謹卒年七十三陳氏王宏兆妻年二十三而宏兆卒遺腹生一女家貧甚躬勤紡績以奉養其姑鄉里賢之

武氏謝佑能妻舅姑早歿事夫之叔父母一如所親年三十夫卒教子聘賢督責不少貸每夜課讀孤燈熒熒與刀尺聲相應後子以髫年遊庠貢入成均武年七十五未嘗

一八寺觀

林氏謝玉賢妻年二十五夫卒遺腹生一女未幾夫弟又卒遺一子輔台娣如共撫養之舅佑衷富陽訓導以瘋疾未赴臥病十餘年姑亦衰邁林奉侍惟謹卒年七十餘
謝氏年十九歸胡元文越五載而元文卒紡績自給苦志守貞卒年五十五

於氏虞孝協妻生二子年二十八而夫卒家貧藉女紅爲餬口計年八十餘猶力持家政嘗以勤儉勗後人

謝氏諸生吳繼祖妻年三十六夫卒上事下育艱苦自持卒年七十

倪氏方元湖妻年二十五而寡子岳尙在襁褓教養成立

爲邑諸生卒年六十

姜氏年十八歸任世芳歷十載無出而夫卒以夫弟之子贊育爲嗣娶媳李氏生一女而亡繼娶李氏未滿三月而贊育又亡兩世孀居艱苦萬狀姜卒年八十八李撫姪爲嗣矢志守節一如其姑

顧氏孫兆年妻年二十四而寡孝事舅姑撫育遺幼勵志守節卒年六十餘

王氏莊志仁妻年二十一而寡事姑惟謹教子以義方守節三十三年

徐氏年二十歸莊鼎和閱七年而和卒守節三十六年藉紡績以養姑姑歿以哀毀致疾而亡

湯氏周文建妻幼喪母事父至孝及長適周克守婦道年二十二而夫卒無子有諷以他適者湯泣曰婦人之道從一而終所以不殉死者爲邁姑在耳日事紡績苦志完貞三十年如一日云

包氏莊鳳揚妻年二十適莊閱七載夫卒家貧勤女紅以供饘粥姑嘗患病躬侍湯藥無少懈卒年六十餘

周氏儒士嚴廷模妻年二十七而寡矢志守貞卒年七十

徐氏唐茂寶

案陳志彙
翼作寶

妻生一子年二十三夫卒矢志堅

守以完貞終

莊氏吳錦文妻年二十七夫卒子生纔數月鞠育周至事

舅姑克盡婦道守節三十餘年

沈氏莊浦賢妻于歸八載無出而夫卒撫姪爲嗣苦節三十餘年鄉里稱善

王氏莊得仁妻適莊七載無出而寡善事遺姑奉養無缺守節二十年而卒

莊氏洪世鯨妻年二十于歸越七載而寡守節三十年事舅姑以孝聞撫育繼子有義方之訓

陸氏父公振業儒有高行陸秉性貞淑女誠夙嫻年十八歸陳于觀于觀病癡不省人事陸悉無怨言鄰媪或代爲感頌則曰命耳越五年夫死猶處女也舅姑憐其年少無子諷使改適陸泣曰婦道從一而終誓無他志由是蓬首

垢面躬勤操作無倦容事舅姑益謹撫養繼子鎔讀書爲邑諸生鎔事母亦以孝聞

姚氏慈谿人沃正域妻正域讀書攻苦賫志以歿姚年二十二無子守節二十餘年雖鄰里亦罕見其面

黃氏雙節黃子貞妻虞氏結褵七載而寡生子宗義撫養成立娶媳王氏越一載而亦寡姑媳兩人誓同甘苦邑令張以瑤池冰霜獎虞氏王亦勵志堅守一如其姑鄉里稱之

沈氏葉憲臣繼妻年二十六夫病篤醫禱罔效沈刲股以進卒不起家綦貧其兄沈靜川爲河南典史欲攜之任沈曰先人廬墓在焉願死守無二遂依其姪九如妻虞氏以

終

柴氏黃廣法妻年二十四夫卒無子熒熒子身家徒壁立雖饑殍不給無怨言苦節歷三十餘年

華氏舉人葉維聰妻年二十九夫卒無子以次姪元和爲嗣舅姑相繼歿家貧勤織維以自給守節終身足不入寺觀

葉氏三節華氏葉大雅妻生子綦年二十六而寡虞氏大彬妻結褵甫六月而亦寡生遺腹子兆年娣姒同心堅守機杼相對寢食必偕華子綦孫乘龍均列庠序督學劉環之並以松筠比操獎之兆年妻方氏年二十九而亦寡僅遺二女無子亦矢志守貞

裴氏顧宣三妻年十九于歸不數月而夫卒苦志守貞撫養繼子有經仰克成立卒年五十餘

傅氏陳思誠妻年二十七而寡勤紡織以養姑教子以義方冰檠之操垂老愈勁

沈氏莊槐妻生二女年二十五而寡舅姑俱邁年夫弟杭欲廢書經理庶務沈謂其舅曰一切家政媳當勉力爲之令叔出外游學庶克有成杭遂得列庠序沈撫姪爲嗣卒年六十三

曹氏湯士富妻年二十二歸湯生三子越六載夫亡矢志守貞養老撫幼久而弗懈長子世元天性純篤母病危潛剖肱和藥以進宗黨以孝稱

王氏趙興芳妻年二十九夫卒事姑克盡婦道子二次子維豐成立家業漸裕而儉勤如故守節歷五十餘年

沈氏雙節胞姊妹而爲從娣姒也姊適趙維豐生二女維豐卒氏年二十八矢志守節三十餘年姪邦啟甫二歲撫以爲嗣無異己出妹適趙景高生一女景高卒氏年二十四養適姑歷久不渝撫姪邦佐爲夫後教養成人卒年四十七

宋氏郡諸生沈煊妻年二十適煊勤紡織以佐讀每至夜分不輟煊卒宋年二十八適二千次子在襁褓撫養成立姑老且病湯藥必躬親苦志守貞壽躋七十

徐氏適周大利年二十四而寡有諷以改適者徐曰家貧

姑老吾惟以婦職代供子職敢有二心乎由是事姑益謹
勵志撫孤卒完貞節

張氏歸周士逢年二十七間逢溺於海哀慟幾絕屢欲自
經宗黨密防之乃止生遺腹子撫養之資自女紅出比長
爲之授室操守之堅歷久弗懈

應氏周大元繼妻家素貧年二十九夫卒有強暴欲奪之
應誓死不嫁事姑益謹撫二孤成立苦節歷三十餘年

胡氏適周正泰年二十九泰卒撫育遺孤力持艱苦生平
勤紡織寡言笑雖鄰婦罕聞其語

莊氏湯世植妻生二子世植出外業賈遂不返莊年二十
八孝事邁姑撫孤成立以完節終

婁氏年二十一歸鄭維仁越三載而寡恐傷舅姑心常飲泣不敢出聲家貧勤紡織以養舅姑奉侍惟謹

陳氏華明乾妻年二十八而夫卒遺腹生一子家蒸貧陳矢志苦守以撫孤兒逾二年屋遭火燬陳抱孤哀號靡所棲止其弟陳兆先迎至家與母同居十三載蓄紡織之資課子讀書娶媳范氏生二子而又寡范時年三十一陳憫其孤苦慮難終守范泣曰姑在生死係之誓無他志於是與姑同甘苦勤紡織俱守節終身

陳氏諸生任于豐妻年二十三夫病不能語指其腹而卒逾月生一子陳幸夫之有後也專心鞠育哭不甚哀其姑慮有他志疑焉父詢其故陳泣曰所以不敢泣者懼傷姑

意也然心之隱痛實甚豈有他哉子又善病陳典質衣飾
爲醫藥之資調護周至艱苦之操鄉里賢之

王氏邱孟章妻年二十四夫卒止遺一女姑謂之曰汝無
子而家又貧恐難終守毋以我故致誤汝終身也王泣曰
媳去姑依何人姑本多病何作此傷心之言以益病乎遂
指天自誓以安姑心日夜紡織供甘旨無缺姑病嗽得熱
湯則稍解王每夜必三四起進之歷二十年無倦容鄰有
慶宴事卽再四招之亦不往卒年六十一

王氏邱奇烈妻年二十九而寡家貧無子矢志守貞事舅
姑克盡婦道舅姑卒仍日夜紡織無暇時有鄰嫗謂之曰
汝僅一人食盡稍逸乎王曰吾懼舅姑與亡者之爲鬼而

餒也將以女紅所儲置田數畝半爲舅姑祀交諸從子輪
值更以半爲夫祀焉聞者咸敬服之卒年七十七

陸氏邱日邁妻生一子年二十七而寡逾二年子亦亡方
其夫與子之病也陸百計調治戚族中已貸數百金後悉
以衣服簪珥盡出典質如數以償或咎其不留餘資爲餽
口計陸曰如不盡償索負者皆得登我之門欲不與若輩
接談不得也今我閉門度日卽餓死亦清潔耳守志三十
餘年未嘗見一日再炊

虞氏顧國源妻年二十六而寡上事下撫兩盡其勞守節
三十餘載未嘗登佛氏之堂

沈氏陳永法妻年十八歸陳閱六載夫歿子光鼐年僅五

歲沈躬勤紡織勵節撫孤所居舊屋數椽其棟忽折轟然而墮鄰眾大駭以爲節婦必斃及啟視之几案盤盂盡壞沈被壓得不死亦不受傷眾俱稱異

龔氏陳益之妻結褵三月夫赴京都業賈三載不歸歿於旅邸時龔年二十三無子女宗黨慮其變志龔聞之泣而誓曰生不同室死猶不同穴者有如皎日迨夫柩歸里葬畢與其姑同處一室篝燈紡織苦志完貞年未五十而卒劉氏王世華妻生一子年二十八而寡家人慮其年少使鄰嫗窺其意劉曰婦人之道從一而終敢有異志乎由是屏華飾寡言笑足不踰閫茹素衣布凡四十七年

陳氏張維賢妻生二子年二十八而寡與夫兄同居合爨

因憫其少寡不忍勞以家事欲使稍逸以安其心陳曰伯何慮之深也甘心守節者豈以勞而變志乎由是操井臼司織紉備歷艱辛教二子綦嚴往往淚下惟恐不獲成立至老猶總理家政爲子婦率云

張氏邱殿元妻年二十四而寡遺孤孟賢僅五歲家綦貧勞心撫育艱苦備嘗有勸以改適者峻辭拒之後不與交一言卒年八十一厥後孟賢年踰八旬見有年少而寡者恆舉其母節以相勉云

陳氏邱侃妻歸侃五年生二女侃卒擗踊欲殉舅姑阻之乃止一家食指甚繁娣姒六人輪司中饋一日請於姑曰媳惟司饋之日覺寢食稍安餘日靜對二女不啻有刃之

剗於胸也繼自今一切內政請以媳一人任之諸娣姒第相助可也舅姑不忍違其意由是終日操作歷三十年無倦容

鄭氏王廷科妻年二十七而寡遺一子二女又遺腹一子家貧甚夫弟二俱游手無業姑已年邁鄭則紡織縫紉以飯進姑已與兒女則挑野菜以食逾年姑與二叔相繼歿鄭謀鬻女以營喪葬鄰里哀之咸飲助焉迨暮年與子婦述舊時苦狀往往嗚咽流涕不能終語云

王氏年二十歸邱維彬未逾年維彬溺水死舅姑以其年少無子慮難終守王翦髮自誓舅姑俱病瘋王扶持調護歷二十餘年無少懈

錢氏年二十四歸金宗頤甫五月而寡遺腹生一女家貧
舅姑年邁錢日事女紅爲奉養計操守之堅懍若霜雪卒
十七十餘

朱氏邱維勤妻年二十九而寡遺孤三家貧姑老勤紡績
以供甘旨訓子以義方鄰里有年少孀居者其舅姑往往
援朱以相勵蓋其貞心勁節足爲嫠婦矜式云

朱氏王汝謙妻年二十八而寡遺孤一事姑三十餘年克
盡婦道篝燈紡織課子讀書每至達旦年八十餘

陳氏金玉配妻年二十三已訂有婚期而玉配臥病不愈
將欲改期女不爲然其父亦以玉配早失怙恃俾女往侍
湯藥或克有濟遂如期而歸甫八月而玉配竟歿始依其

家之兄嫂踰年兄嫂皆病故又無子乃依其夫之繼祖母
或勸其育姊妹子爲螟蛉陳曰本支倫序相當幼穉勿論
若他族不忍畜也其家頗饒裕諸娣姒往往以寡廢業陳
獨勤女紅有謂其過自刻苦者陳曰先人遺產未亡人敢
以暇豫棄之乎遠近皆謂其知大義

林氏顧康侯妻生子世祿甫四歲而夫亡林年二十六撫
孤成立世祿亦克承母教有善行林卒年七十九

謝氏年十八歸諸生陳廣同生二子夫卒謝年二十二慟
哭絕粒舅姑曲諭之乃止上事下撫備歷艱辛後子修性
修策均列庠序卒年五十五

陳氏王淮妻結褵半載夫往湖南瀏陽叔心仁署內卽病

故陳遺腹生一女事舅姑惟謹守節終身

顧氏俞良行妻結褵纔數月而夫卒矢志守貞夫弟二同
爨賴顧力持家政卒年五十三

賀氏方士奇妻生三子年二十九而寡家徒壁立紡織餬
口撫養遺孤成立家業漸饒卒年六十六

郭氏王廷棟妻年二十七而寡事上撫下苦志守貞卒年
七十九

汪氏年十七歸姚茂永生二子年二十八夫卒勵節撫孤
卒年七十一

姚氏周宗魯妻于歸六載生子邦治而夫卒未幾子又早
亡煢煢孑立苦節終身

董氏國子監生謝緒璣繼妻年二十四璣卒董剪髮自誓苦志完貞子長爲之授室厥後媳亡孫幼董撫養成立卒年八十六

王氏唐廷魁妻年十九而寡無子姑又早歿事舅惟謹家貧操井臼勤紡織苦節三十餘年

王氏陳文達妻結褵甫一載而夫卒無子王斷指自誓苦節終身卒年六十八

徐氏鄭允鑑妻允鑑卒徐年二十四家貧守節之死靡他嚴氏貢生殿颺女諸生胡甯秀妻結褵甫一載而寡遺孤又殤嚴飲泣含悲躬勤織紉冰檠之操歷三十餘年

周氏張大勳妻于歸七載生一子而夫卒事姑以孝聞撫

孤成立閭範肅然卒年八十一

劉氏李同伍妻年二十二而夫卒生遺腹子道緒劉矢志堅守上事下育兩盡其勞鄉里賢之

劉氏曹和英妻年二十四生一女甫週家遭癘疫伯姒俱亡和英旋亦病亡劉矢志堅守撫養猶子成立守節三十年

唐氏國子監生孔興仁妻止生一女而興仁卒慟不欲生經姑勸慰之而止苦節終身撫姪毓璋爲後

王氏葉兆亨妻結褵五載亨病瘵將死謂王曰吾病革矣卿年少奈何王指腹慰之曰妾懷孕已五月倘生一子可延宗祀否則有死而已語畢亨絕王哭泣不敢出聲恐傷

姑意越五月生子維望撫養成立拔例爲太學生

烏氏陳智能妻及笄于歸事姑孝襄內政有賢聲年二十九喪夫家貧無子閱十年始得從子爲嗣烏以養以教俾克成立厥後家業稍裕仍躬行節儉遇貧乏者必量力周之卒年七十九

孫氏陳維烈繼妻幼嫻女誡年二十二適陳越六載無出夫死守節前妻生一子尚在襁褓孫躬親鞠育備歷艱辛上有邁姑恪供婦職宗黨稱之卒年五十一

華氏盛植源妻年三十夫卒遺一子越二載而天舅姑欲置女婢以伴華曰侍婢特一時之伴盍爲繼嗣娶媳可爲久伴乎舅姑從之華事舅姑益謹董理家務井井有條雖

老猶不忘儉勤云

邵氏盛植庭妻年二十三無出而寡與妯娌華氏同甘苦勤紡織有一門雙節之稱遵舅姑遺命以夫兄之子爲嗣謝氏陳良沛妻生一子年二十一良沛卒守節六十餘年非親族罕識其面

倪氏學博沛潮女舉人象錦胞姊年二十二歸杜智大生一子義正越七載夫亡倪事姑撫孤不辭勞瘁姑臥病十餘年奉侍惟謹歿則喪葬如禮

傅氏許光前妻年十七于歸越二載無出而寡孤苦殊甚矢志守貞垂老愈勁

楊氏華鳳鳴妻年二十八夫卒遺孤啟美尙幼矢志堅守

舅病革囑楊曰爾子頗聰慧務令讀書楊承舅命課讀甚嚴必欲其成名以慰先人於地下鄉里咸稱其賢

王氏戎國恩妻結褵九載無出而寡不數年姑又歿舅已年邁夫弟尙幼皆賴王一人調護之生平崇節儉而性好施與有鄰婦失明憫其苦况恆竭力以濟之後撫姪啟承爲嗣卒年五十八

金氏華嘉會妻年二十九夫卒子鳴璈尙幼舅出外業賈攜姑以行家政惟金一身任之撫孤成立至弄孫之年猶以不獲常事舅姑爲憾

王氏華鳴山妻生一子年二十六夫卒舅患病折足而目又瞽出入必負之寒夜紡織談笑自若人怪而問之王曰

吾舅所以失明者徒以無子故耳今吾舅悲爲喜舅或能忘目復明亦未可知聞者咸敬服之

朱氏洪世祥妻年十九于歸二十而寡無子誓不欲生舅姑俱髦年慰諭而止家貧操井日勤紡織竭力以供甘旨撫姪濟岳爲嗣守節終身

翁氏陳性德妻年二十八夫病篤囑翁與七歲兒致遠焚人遺券翁不敢違曰雖食貧無憾年七十七及見孫金鑑成名而卒

張氏孫爾安妻結褵甫一月爾安出遊天台尋歸不入內寢而張曲盡婦道悉無怨言年二十九爲未亡人撫繼子克俊成立至年五旬含笑而卒

孫氏沈君輔妻年二十八夫病衣不解帶奉湯藥者數月卒不起效姑茹素而足不入寺觀撫繼子成人年五十一卒

黃氏孫士林妻生一子而寡時年二十七泣謂鄰婦曰姑老子幼未亡人宜苟延性命然夫死何忍獨生遂粒食不進而死

黃氏葉兆鯤妻早寡無嗣家徒壁立孤燈獨守矢志靡他年五十六卒殯殮之資皆昔年勤儉所遺焉

貝氏鄭永泰妻年二十一夫卒遺孤甫周歲矢志守節姑性嚴峻貝曲爲承順務得歡心性耽婦功年七十餘猶不忘操作嘗以勤儉勸後人

盛氏鄭邦安字永順妻于歸數月而安卒盛年十九無出
撫從子乾爲嗣與貝氏並依於伯氏邦思家勵志冰霜歷
四十年如一日時稱一門雙節云

徐氏劉元位妻年二十七夫卒遺二女家貧藉紡織以自
給撫姪爲嗣守節終身

陳氏張兆旭妻年二十六而寡無出撫姪爲嗣矢志守貞
年甫四十而卒

倪氏陳光球妻成婚有期而光球病其父母娶以成禮而
弗令同寢冀光球之復起也越數月病亟光球但一執其
手曰吾誤汝遂卒倪但號哭無怨言矢志守貞後撫姪爲
嗣年近七十而卒

戴氏趙宗璿妻生一女而寡戴年二十餘矢志守節撫姪
爲後卒年六十餘

董氏年十九適陳文煥甫五月而寡號呼欲絕戚族勸慰
之而止守節六十餘年以夫兄之子爲嗣

金氏劉言茂妻年二十五而寡仰事俯育兩盡其勞年五
十餘猶勤紡織不怠以完節終

夏氏劉文錦妻生一子年二十三而寡勵志撫孤勤紡織
以自給苦節終身

鄭氏施承立妻年二十九而寡事舅姑得其歡心撫孤成
立卒年七十餘

余氏金子基妻結褵未一載而寡苦志守貞卒年四十

金氏儒士王格凝妻生二女年二十六而寡矢志不渝每
朔望必設祭慟哭絕而復蘇者屢矣至年三十乃禮佛誦
經閉戶不出守志三十餘年

范氏年二十二歸金守瑛甫一載而寡遺腹生一女舅姑
憐其年少無子去留任之范曰媳聞婦人失節爲辱不在
子之有無且幸有叔在異日生子未亡人不憂乏嗣矣願
矢志終身事舅姑二十餘年克盡婦道後撫姪爲嗣課以
讀書卒年六十九

王氏諸生金成妻年二十二而寡無子女慟哭絕食欲以
身殉家人咸勸慰之始強飯焉逾數年有鄰媪諷以他志
王怒曰我生且不願爾謂我欲事二夫乎峻辭拒之以夫

兄之子玉書爲嗣令其業儒膏火之資自女紅出守節三十餘年

王氏邱懷倫妻年二十六而寡遺孤在抱家貧甚體弱不繼槩葬其夫日夜勤織紉以撫孤有屢欲搖其志者王謀於戚族爲夫改葬并營已生壙以絕議婚者之口守節終身

金氏邱思韓妻年二十三而寡子女俱無家貧槩葬其夫矢志堅守勤苦十年稍蓄微貲爲夫改葬從此禮佛誦經靜守一室日未亡人之事畢矣我惟求此心潔淨早從夫子於地下耳又歷十餘年而卒

張氏諸生邱奇瀾妻舅季重伯奇藻皆名諸生瀾歿時張

年二十二無子戚黨有哀其貧者微諷之張以死自誓厥後家益落至無以餬口或勸其爲人執爨張曰我惟懼玷宗聲是以甘心苦守安得復爲人執爨耶由是閉戶寂處飢餓不以告人年六十八卒

王氏傅祥雲妻結褵甫八月夫卒遺腹生子運隆家貧依夫之叔父母以生事之如舅姑艱苦之操歷久罔懈

李氏余宗海妻年二十八而寡矢志守貞卒年七十

烏氏周在俊妻結褵三載生一子夫卒謹事舅姑克盡婦道撫孤成立守節終身

林氏鄭其魁妻年二十四夫卒無子撫姪爲嗣卒年五十

鄭氏林開基妻年二十二夫卒遺一子孝事舅姑撫孤成立閨範肅然

鄭氏陳克莊繼妻年三十夫卒遺孤一家甚貧藉女紅爲餬口計撫孤成立苦節歷二十餘年

夏氏蔡家隆妻生一子年二十一而寡事上撫下茹苦終身

劉氏戴維藩妻生二子年三十夫卒貧無以餬口力持艱苦勵節撫孤卒年六十五

劉氏雙節董氏劉廷佐妻年二十二夫卒生遺腹子世綸矢志靡他家貧以紡織自給泊子長娶媳鄭氏生孫一而子又卒董哭至喪明鄭含哀飲泣奉遺姑撫遺孤艱苦萬

狀董卒年六十二鄭亦守節終身

張氏何雲助妻年二十八而寡僅遺一女家貧矢志苦守
歷三十年戚族亦罕見其面

陳氏林昌溥妻生子甫六月而夫卒上事舅姑下撫襁褓
守節四十餘年

王氏林昭奇妻年二十六而寡遺腹生一子仰事俯育俱
身任之守節六十二年

蔡氏莊思聰妻年二十二無出而寡撫姪爲嗣守節三十
八年

張氏年二十歸胡于春越四載而夫卒遺孤二復相繼而
天後以夫兄之子有仁承祧卒年四十五

李氏趙廷臣妻生二子年二十五而寡性貞淑寡言笑苦節三十餘年

陳氏胡世傑妻年二十九而寡遺一子撫養成立年逾七旬

張氏劉豐完妻年二十三而寡家貧無子矢志堅守歷三十年如一日云

高氏雙節王氏高顯華妻年二十三無出而寡其娣田氏顯貴妻亦年二十三而寡遺腹生一子二婦同心堅守孝奉舅姑撫養遺幼王卒年四十四田守節三十餘年

曹氏莊浩妻結褵四載生一子浩卒舅姑在堂竭力以供婦職撫遺孤宗諤成立守節六十餘年

莊氏陳如玉妻于歸五載無出而寡撫姪槐爲嗣長列成均卒年五十九

倪氏年十九歸郡諸生陳金歷三載而寡事舅姑惟謹年五十四撫從子爲嗣督課綦嚴俾克成立鄉里稱之

馬氏劉師契妻結褵三載生一子夫卒舅早歿馬上事邁姑下撫幼子矢志不渝卒年六十一

謝氏劉上祥妻于歸八載生一子夫卒時夫兄與伯姒皆早歿姪師周尙幼謝撫之如己出姪亦奉之如母遂以一子兼祧焉卒年六十餘

劉氏陳大馨妻年二十無出而夫卒躬執婦道閨範肅然卒年五十一

謝氏許字王紹楠楠病垂危謝聞之輒廢飲食涕泣不已
父憐之因送至楠家楠已口不能言謝泣曰生爲君家婦
死爲君家鬼矣未逾月楠卒撫夫兄之子爲嗣矢志完貞
而子又善病謝百計調治子疾愈而謝已力竭矣未幾病
卒

朱氏烏法榮妻年二十五而寡子顯位甫三歲體弱朱每
夜焚香祝曰死者不可復生願此子無恙得延宗祀足矣
如是者三年閨里中有夫死者輒泣然流涕勉力以佐之
暮年得孫三

謝氏諸生莊峙媚妻生二子年二十七而寡事舅姑惟謹
撫孤成立課以讀書得列庠序卒年七十一

陳氏吳志成妻年二十八夫卒勤女紅以自給含辛茹苦
歷四十餘年

嚴氏劉緒悌妻年三十夫卒子世岳甫五歲撫養成立衣
布茹素以閤淡終其身

金氏餘文女王大聰妻年二十二無出而寡家貧供菽水
能得舅姑歡平居屏華飾勤紡織守節終身

盛氏金上賢妻年二十七夫卒無子性貞靜言笑不苟舅
姑在堂奉養無缺撫從子爲夫後以完節終

王氏州同知張任妻任卒事繼姑甚謹課子甚嚴鄉里稱
善

應氏年二十二歸劉元勳逾六載夫卒遺孤甫八月旋復

天折哀慟幾不欲生因邁姑在堂含悲飲泣茹苦終身
葉氏常廷康妻夫蚤卒矢志堅守女紅之外不預他務鄉
里賢之

錢氏夏聖發妻早寡家甚貧勵節撫孤卒年八十

陸氏莊廷卜妻生二子年二十七夫卒孝事舅姑課二子
甚嚴皆有成立賢聲徧閭里焉卒年六十二

胡氏劉師稷妻年二十一夫亡無出姑病瘋胡朝夕扶持
雖嚴寒酷暑不少懈鄉里賢之

李氏張以顯妻年二十九夫卒勵志撫孤艱苦之操歷二
十餘年

方氏莊公三妻年二十七而寡子甫二齡勞心鞠育及長

督課甚嚴俾克成立守節二十四年

莊氏倪廷相妻年二十三適倪甫一載而寡遺腹生一女撫姪爲嗣姑老侍奉惟謹守節終身

陸氏年二十一歸劉師盛越七載夫卒遺孤二其一復殤陸哀慟幾不欲生舅姑責以大義因掩淚受命侍奉益謹以完節終

李氏徐引之繼妻于歸數載無出而寡撫前室所生之子如己出敬事邁翁無少懈

陳氏呂傅周妻夫蚤卒誓不改適撫養二子成立守節四十餘年

劉氏陳繼龍妻年二十二夫卒遺一女劉號慟欲絕姊姪

咸勸慰之始節哀視事課繼子讀書終始不渝其志

陳氏劉師泮妻年二十九夫卒遺孤二家貧甚仰事俯育皆出自女紅卒完貞節

朱氏李生棋妻年二十八夫卒遺孤二尙幼舅姑俱髦年朱上事下育力持艱苦守節三十七年

薛氏王忠颺妻年二十七夫卒孝事舅姑義方訓子冰蘖之操歷四十年

沈氏葉鞏球妻年二十九球卒遺孤一篝燈紡織課子讀書雖寒暑不輟子克成立得於母教之力居多賢聲徧閭里焉

王氏年二十歸黃明德逾年明德亡翦髮自誓苦志守節

金華縣志 卷二十一
後以伯叔無行產既析而不及王因泣謂鄰姬曰吾向所以不卽死者以姑尙在且繼嗣未立耳今若此是并無立足之地矣何生爲遂投繯而死

范氏戎鶴舉妻年二十二于歸越八載夫卒遺二子俱幼而家又遭火燬范力持艱苦教子以義方後俱成立而家業漸饒卒年六十

胡氏朱明德妻年十七于歸時明德病危未成婚逾五日而歿胡屏華飾寡言笑事舅姑惟謹撫夫弟之子爲嗣俛列成均卒完貞節

王氏湯廣相妻結褵六載而寡矢志守節孝養舅姑教子成立守節三十一年

朱氏諸生謝梅賢妻未于歸因姑病往視踰二載仍返母家年十九歸謝生二子越四載夫病篤醫藥罔效朱刲股以進卒不起矢志守節歷三十餘年子輔燧邑諸生

陳氏董秉彝妻年二十九而寡矢志守貞撫養繼嗣福昌成立卒年七十二

鄭氏沈克容妻生子甫週卽寡苦志完貞上事下撫卒年六十三

王氏焦時賢妻年十八而寡王孝事邁姑撫姪振彥承祧卒年五十六

王氏諸生斐然女幼聰慧知書年二十四適邱致和生一子而寡矢志守貞姑以其美而慧也深以爲憂王遂廢書

不觀不事梳飾茹苦終身卒年七十五

王氏沈承標妻年二十四夫卒無子誓以死守母家甚貧
遭疫疾死喪略盡王盡出其匱具以營喪葬撫夫弟之子
爲嗣以完節終

陳氏李茂盛妻生一子年二十一夫卒家無擔石勤女紅
以自給撫子順國成立卒年七十餘

范氏雙節任氏范肯堂妻邱氏范鼎和妻娣姒也皆結褵
未久青年矢節者邱無出任生一子名九齡尙幼任病革
囑邱曰此子理當兼祧幸善爲撫養之邱謹受命視若己
出撫養成人

鄔氏賀良弼妻年二十八而寡無子撫姪承祧家貧灌園

疏以自給矢志守貞卒年七十一

李氏林利涉妻年二十而寡生子甫週謹事舅姑撫子貞皎成立矢志不渝卒年五十六

沈氏林施政妻事舅姑克守婦道年二十四舅與夫俱病相繼而歿沈與姑同心堅守子清發克體母志課儒業爲邑諸生

張氏湯士聰妻年二十六夫卒勵節撫孤終身不御羅綺寡言笑勤紡織宗黨咸稱其賢

成氏王浴妻結褵甫一載而寡孝事舅姑舅病默禱於神願以身代舅病卽愈撫養繼嗣成人

張氏鄭文遠妻適鄭三載生一女無子夫以航海溺死張

茹素終身立繼承祀卒年七十三

程氏劉緒忠妻生一子而寡家貧撫孤成立年七十餘猶操作如常戚族咸憫其苦節

伍氏劉其相妻年二十六僅生一女而夫卒厥後女適人而亦寡母女相依同心堅守茹苦終身

林氏金廷枚妻年二十四而寡僅遺一女林矢志守節久而彌堅卒年六十六

孫氏陳祖麟妻年二十九夫卒僅遺一女無子矢志守貞撫姪爲嗣卒年七十七

羅氏鄭朝尊妻年二十九夫病篤含淚對羅曰上無舅姑下鮮兒女而家又貧乏汝將奈何羅泣曰願以死守若繼

嗣之事後當憑宗族中議立君無憂言畢而歿羅竭力以營喪葬撫繼子成人

夏氏林仰輝妻年十八于歸克盡婦道至二十二歲夫卒僅遺二女矢志堅守踰二年姑復歿夫弟年僅十一夏竭力以撫之至於成立後撫姪爲嗣守節終身

張氏葉朝鳳妻年二十三夫卒子廷茂尙在襁褓勵節撫孤有義方之訓

張氏葉繼慕妻案陳志葉作繼慕年二十懷孕四月而夫卒越數

月生子本立辛勤撫育守節終身

包氏葉嗣純妻年三十夫卒子繼利甫二歲矢志守節撫育遺孤年七十餘猶紡織不怠

朱氏儒士周濂妻年二十八夫卒朱哀號不已欲以身殉
戚族咸勸慰之始節哀視事二子俱幼以養以教苦志守
貞

費氏慈谿諸生南輝女幼字國子監生鄭學善時學善年
甫弱冠病瘵恐不起欲罷婚費聞之誓不改字遂歸鄭躬
親藥餌歷久無倦容朝夕祈禱願以身代踰年而夫卒生
子甫數月費慟哭幾絕未幾子又殤語人曰姑雖年邁而
叔已成立侍奉有人子生何爲誓欲身殉姑防之綦密弗
果自是足不踰閫絕粒數日而卒距夫死纔四十九日時
年二十二

陳氏王章衮妻結褵甫半載卽寡遺腹生一子矢志守節

孝事舅姑卒年八十一

王氏方龍佑妻年二十七而寡孝事邁姑撫孤成立卒年六十二

姚氏徐庭勳妻年二十五而寡矢志苦守事舅姑惟謹撫繼子成人

倪氏年十八歸杜忠純越十載生三子夫卒上事邁姑下撫幼嗣守節終身

顏氏洪世美妻年十八適洪生一子夫卒撫養遺孤俾克成立以完節終

徐氏樂繼文妻年二十五而寡養老撫幼備歷艱辛卒完貞節

於氏虞賢懿妻生一子尙在襁褓而夫卒於撫孤成立矢志終身

黃氏虞賢昌妻年二十二而寡事邁姑撫遺孤力持艱苦守節幾六十年

朱氏錢運隆妻年二十二而寡上事下撫守節三十餘年
吳氏林利庚妻年二十而寡遺腹生一子事姑惟謹伯姒
亡遺一女無所依吳撫之如己出及長爲之擇配撫養遺
孤成立宗黨賢之

王氏夏明揚妻結褵甫一載而寡遺腹生一女撫養繼嗣
成人

虞氏孫性中妻年二十八而寡事舅姑恪守婦道歿則喪

葬如禮守節終身

傅氏雙節傅裕迅繼妻王氏年二十三而寡撫養前室子
永年視如己出及長娶媳王氏越六載而永年又亡姑媳
同心冰霜勵節數十載如一日云邑令彭以節孝儀範旌

之以上嶺
海備志

林氏虞孝先妻年十八適虞越二年生子甫七旬夫在林
孝事舅姑撫育遺孤歷二十餘年姑丁氏係舅再續之妻
年四十餘復產一女以精力漸衰或虧教養私將女孩投
諸暗室林往收之納諸己懷俄發呱呱聲由是得生嘉慶
十九年布政使司廣玉旌其門曰節茂松筠

宋訪
冊

貞女倪氏江北後倪人許字南鄉傅尙瑜年十四適傅時

尚瑜年十二越六年未成婚而尚瑜卒倪矢志靡他躬勤操作孝事舅姑撫姪洪鈞爲嗣以完貞終

陳志

鄭氏沈邦翰妻生一子年二十七而寡舅姑在堂遺孤在抱家又疊遭火燬勉力支持養老撫幼矢志不渝年七十卒學使李潢表其廬曰純全養貞子于芳恂恂長厚事母亦以孝聞

鏡海
備志

梁氏鄞人陳邦彥妻年十九夫卒守貞撫遺腹子定孝成立而定孝又早卒與媳黃氏共撫孫國慶黃亦鄞人梁爲人明大義能佐其夫弟邦治共操家政旣分爨矣復合之待諸姪及諸姪孫輩如已出一家雍睦無間言性好施予貧民有告乞者輒以米給之終其身弗倦卒年七十餘黃

亦悉如其姑子國慶業儒循例爲太學生性孝母病刲股以進宗黨稱之

采訪冊

祝氏慈谿人任宗藻繼妻幼事父母以孝聞年十九歸任閱三載而宗藻卒祝矢志柏舟撫嗣子成立守節五十餘

年

采訪冊

白氏方振文妻至性過人年甫踰笄割臂和藥以愈父病及爲婦事舅姑以孝聞

趙存詢撰傳

王氏范名區妻于歸越三載夫病篤謂王曰汝年少恐難終守余死後嫁守汝自主之王涕泣誓以死守及夫卒竟苦節以終道光十年題

旌

采訪冊

丁氏年二十一歸鄞李恭祥家貧舅姑在堂事之克盡婦

道夫素羸弱一疾竟不起丁年二十五無子撫從子承珪
爲後以紡績養其邁姑守節終身道光十二年題旌

志

華氏靈緒鄉華鏞渠長女許字黃顏聲季子曰皎未幾日
皎避疫疾甚危顏聲慮華女將抱終天恨令改字華慷慨
自陳誓無他適舅聞而贊歎卜吉迎歸而夫疾如故華親
事之曲得其情上事舅姑惟謹鄉里賢之遇歲歉華嘗家
置芋梗日以佐食命長子以儲粟給族中之不能舉炊者
其識大義類如此

楊夏復
撰傳

陳氏舉人元斌女適鄞盧怡雲甫一月歸甯而怡雲遽以
疾卒家人給之返錦裳繡襖新婦服也及中堂問死者爲
誰褰帷示之一慟而絕舅姑曲解之得不死姑疾躬侍藥

餌衣不解帶者逾年舅姑歿喪葬如禮夫妹方幼教養及笄而嫁之撫伯氏子爲嗣守節三十九年道光十五年題

旌
鄧志

馮氏曹和泮妻年二十歸曹生二子而夫卒馮年二十七矢志守貞事姑惟謹撫繼子成立厥後孫曾繁衍門祚熾昌僉謂苦節之報道光年間題 旌

梁氏李緒昌繼妻鄧人夫早卒撫子青植成立道光十三年邑令郭滔章書節孝完貞題額旌之

吳氏楊毓仁妻夫早卒矢志堅守事舅姑以孝聞道光十六年題 旌督學周給以志堅金石題額卒年六十八

鄭氏任春暉繼妻夫病躬侍湯藥衣不解帶者五月未幾

夫卒鄭年二十七事姑孝撫前妻子元英如己出教之成立爲邑諸生鄭生子二少子體純娶王氏生子增泰而體純又卒時王年二十五同甘苦勤操作道光十五年歲飢日僅一餐悉無怨言鄭年六十三卒道光十六年題旌烈婦劉氏諸生鄭超妻超字月濤能詩有才家貧備書餽口烈婦時以鍼黹佐之己生有二子二女矣道光二十一年八月二十六日城陷超慨然起曰吾曾列名庠序義不忍生烈婦曰君死忠妾豈不能死節超曰奈兒女何烈婦曰大兒宗祀所關無死理餘者畱之徒落人手爲辱可同死也時長子十餘歲乃遣匿外家隨置鴆於酒夫婦坐而對飲呼子及女以次嘗之而幼女纔三歲尙呱呱索母乳

烈婦亦泣而權以酒須臾俱殞是晚超弟某探兄耗過其
家急救之超有微息漸甦而烈婦及諸兒女竟死矣邑人
詳其事於大吏得題 旌焉

孫氏王嗣奎妻結褵纔一月而夫卒姑因傷子邁心疾願
以家產祔祀而令孫改適孫委曲周旋誓以死守撫養繼
子以完貞終卒年五十道光二十六年題 旌

鄭氏邱維煜妻一作薇年及笄歸邱生一子未一載而夫

卒矢志守貞孝養其姑撫子懷珍成立卒年八十五道光

二十六年題 旌

金氏五品銜余賢振妻年二十一于歸甫二載而賢振卒
金痛不欲生以孀姑年邁且時相勸慰乃節哀侍奉克盡

婦道撫姪立德爲嗣卒年六十七道光二十六年題 旌
鄭氏候選知府椿女候選州同知王慶妻年二十二于歸
二十九歲夫卒撫孤成立教以義方生平崇節儉而性好
施與道光年間歲頒歉出藏粟賑飢者三修築海塘倡助
多金邑巖鄉路多崎嶇治道二十餘里皆成康莊他如施
藥施樁及棉衣涼扇之類不勝枚舉子二長咸亨諸生
欽加道銜次咸章諸生議敘鹽運司運同

誥贈夫人道光年間題 旌

吳氏福建金門鎮總兵奇貴女監貢生王序妻年二十一
于歸二十七歲夫卒無出以夫兄之次子咸章爲嗣性貞
靜勤女紅與其妯鄭並好施與以故賑飢修塘治道及他

施捨多所贊成卒年五十八

誥封淑人道光年間題

旌以上采訪冊

樂氏雙節小澗人卓氏樂某妻吳氏樂某妻姑媳也家貧

卓力持艱苦撫孤成立吳割股療姑益徵孝行冰檠之操

蓋兩世一轍云

張錫路撰傳

張錫路贊曰太白西來大海東迴山鍾川毓浹江之隈
篤生女士萃於上第白首一門青燈兩世惟卓太君撫
藐諸孤既貧亦病無菀非枯籬卵方成羽毛復折卓固
喪明吳仍矢節賢哉吳母徽音克配子職婦兼父道母
代松柏其壽冰雪其心股封自昔淚咽至今茲兩淑人
空諸所有無雙而雙非偶而偶我作此贊惟以勸貞臣
忠子孝無出一誠

夏氏諸生雲奇女歸鄞李忠大五年而忠大卒無子姑又
年邁零丁孤苦撫從子爲嗣從子善病百計調護得以成

立其妹適俞九韶爲繼室年二十而寡前室子二與所生子二撫養無少異守節數十年忠大妻以道光二十九年

題

旌
鄂志

孝女任氏春暉女自幼以孝聞父病夜半口噤女割臂和糜以進病遂愈後復病女欲剖心療父刺血昏暈緝縲救之得甦而父病不起女號慟幾不欲生因母在而止幼字慈谿儒士沈宇春議訂婚期母將許之女進曰焉有父骨未寒而行吉禮彼獨無父母乎乃止踰三年始歸沈孝事其姑久而弗懈每遇父母祭祀雖風雨必匍匐以往祭畢涕泣而返宗黨皆以孝稱卒年五十一道光三十年題

旌

采訪冊

孝女楊氏職員楊汝霖女歲貢生胡澧妻性慧知書稍長自織絨緞以及米鹽零雜諸務佐其母以事父者井井有條理已而父得痼疾瀕危女虔禱於神刲股和湯藥以進疾少瘳就醫揚州約歸期須數月未一月卽返女驚且泣曰此必疾之無可療而歸之速也隨得咯血症漸劇至不可治其舅聞之不忍其無所歸因爲子卜吉成婚越日

卽死道光三十年題

旌 葉葵撰傳

曹氏儒士劉孝全妻夫早卒孝事其舅撫養二子有義方之訓守節四十七年至七十六歲而卒有司上其事得題

旌焉

范氏李開英妻年二十六而寡家綦貧爲人彈木棉得其

值以養邁姑以是晚年病臂不能瘳卒年七十餘

江氏陳國楷妻舅姑甚嚴江事之甚孝夫又失業無行舅姑益厭薄江而江終恪循婦道夫死後江因窮餓不堪遂私自飲鴆其姑視之猶張目微言曰舅姑皆賢媳命苦至此耳竟卒

烈女董氏應瀚女受俞天一之聘未嫁天一病故董聞訃痛甚泣告父母欲歸俞事舅姑以終父母未許董知事不可爲閉戶投纆而死時年二十一天一父受錦嘉董之節迎其柩歸葬鄉里咸稱其貞烈云

以上采訪冊

貞女鄭氏何勝剛聘妻父永楊與其鄰何錫祚稱肺腑交貞女母嚴氏早卒永楊以女字何之子勝剛年十一卽養

於何事其姑許如母許亦視之如女嘉慶二十一年四月
勝剛卒貞女年僅十七錫祚以貞女尙未成婚擬以女之
禮遣嫁貞女曰婦已字何生何家死亦何家若卽死婦之
心固不死也錫祚亦不忍強之貞女復勸其舅納遣爲嗣
續計不數年而錫祚竟死貞女治理喪葬井井有度時有
給之者曰汝已盡心何氏然何氏衰甚萬一中變後悔何
及貞女卽斷指自誓以明無他擇宗人相當者延何氏後
以完貞終道光三十年題 旌冊

烈婦應氏范永壽妻未及笄養於范事舅從信姑劉氏如
成人禮家貧甚日事紡績佐夫所不逮年十九永壽以病
卒烈婦痛不欲生然念舅姑在堂烏邑不敢出聲嘗慮無

以供舅姑餽粥私自絕粒數日姑知而慰之始勉餐焉一日省其母有鄰婦稔其貧謂之曰以婦年少何適不可而必欲餒死於范氏爲哉烈婦驟聞其言訝甚繼而知鄰婦之諷已也不之答惟泫泫淚下而已及歸操作如常旋以澣衣告舅姑初不疑之趨出投於水救之不得竟死此道光二十四年四月十五日事也計永壽死不及百日耳道

光三十年題

旌

旌冊

胡氏鄞人附貢生陳定節繼妻夫卒撫前妻子國輔國佐國鼎如己出國輔事胡甚孝兼與兩弟相友愛尊重師儒皆胡之教也國鼎娶妻沙氏旋死沙亦矢志守貞姑媳皆享高年卒道光三十年題

旌

王氏余立綱繼妻夫早卒矢志守貞撫子志雲成立爲之授室未幾志雲亦死王復撫孤孫至長娶孫婦數十年中備嘗艱苦宗黨咸稱之道光三十年題 旌

貞女袁氏儒士胡宗壽妻

一作宗壽

幼失怙恃偕其弟定安養

於胡夫卒舅姑以未成婚擬以女嫁之袁知之泣然曰媳旣入胡門孰不知爲胡氏婦且舅姑所以撫育吾兩人者爲吾父母保其嗣續也若因夫死而變志不惟負舅姑實甚且何以見父母於地下乎輒欲自盡因勸慰而止遂鬱鬱成疾後夫四年而卒道光三十年題 旌

林氏沈道中繼妻年二十歸沈越三載而夫卒林典質簪珥以營喪葬遺孤二年俱幼撫養成立卒年六十八道光

年間題 旌

謝氏雙節方氏諸生謝輔紱妻李氏侑生謝輔紳妻以上采訪

謝氏家乘贊曰惟二孺人守節安貧拮据餬口機杼織紉方氏于歸內助稱賢未及數載被鏡難圓膝下弱質撫如已出食之誨之夙夜罔逸貧病相兼竈突不黔忍飢持茶飲泣淹淹李氏入室夫已抱疾屏棄鉛華勤調菽水不屆二年喪其配匹繼嗣襁褓襟袵翼懷抱教養成立食餼芹藻胡天不弔壯年是悼蘭玉凋摧鳩告不好幸縣嗣孫承祧是存勁節雙挺慈孝名村

陳氏字鄞沈良珩未嫁而良珩卒女年十九誓不欲生父麟周慰喻之女曰苟不死當從兒志入沈氏門諾之家人循俗例爲具吉服女曰夫死之謂何而猶以爲美也衰經往視含殮哭踊如禮自此坐卧一室傭一婦伴之宗鄰罕

見其面越七年未嘗釋服卒絕粒以死舅姑憫之以良珪

之姪德銳嗣焉

鄧志

胡氏虞啟彪妻年二十四而寡矢志守貞力持艱苦事舅

姑惟謹卒年六十五道光三十年題

旌旌冊

羅節婦許氏早寡以牧羊捕魚獵食家於靈巖鄉長礁巖
巖處山海間鮮鄰里村落婦挾利刃自衛過市賣魚鸞羊
荷簑笠蓬首赤腳忘乎其爲婦也卒完貞以終咸豐二年

題

旌旌冊

陳氏國子監生沈世華妻年十八歸沈閱四載世華病篤
陳顛天求代及卒哀號欲殉舅文孝勸諭之而止姑早歿
遇祭祀備極哀思舅病侍奉惟謹衣不解帶者三月歿則

喪葬如禮遺孤一撫之成立晚年家中落嘗一日不再炊
二孫自塾中歸以紡績錢買餅餌食之己嘗忍飢媳劉氏
事姑亦以孝聞陳卒年七十咸豐二年題 旌

樂氏雙節林氏樂永順妻楊氏樂容山妻家綦貧永順卒
益無顆粒儲親串遺以斗粟始得殮惟時族人均爲林危
而林毅然任其事卒不爲動家距城五六里每日雞未鳴
先具湯糜供舅姑及所生子己忍飢擔鹽以往稍得餘息
爲侍養計長子容山娶楊氏而容山又卒撫其媳楊勤苦
萬狀兩世完貞咸豐年間題 旌

葉氏陳飛鴛妻自幼爲陳養媳年十八成婚事姑以孝聞
姑歿家貧甚典質殆盡始得以殯殮焉飛鴛業買於溫咸

豐元年八月間遇匪擾被擄而死葉矢志堅守鄰婦或憐而餽之恆卻不受惟以針黹度日有豪族豔其姿啖以重聘葉峻詞拒之誓不改適以完節終

謝氏張某妻夫卒家貧甚藉女紅以事其姑苦志守貞撫姪爲嗣

沈氏任廣文妻結褵甫一載而夫卒家貧無嗣父母憐其少寡欲奪其志沈誓以死守勤紡績以事舅姑苦守五十餘年鄉里罕見其面

楊氏任如周妻結褵甫五月而如周卒楊苦志堅守孝事舅姑撫姪爲嗣教養成成人

傅氏梅星中妻性至孝未于歸時父適肄業成均母抱病

三年傅目不交睫衣不解帶竭誠禱於竈神願以身代既乃刲股以進而母病始痊年二十三適梅爲繼室甫踰年而夫卒上事舅姑下撫幼弱節哀自持舅歿喪葬如禮

方氏張太常妻年二十六夫卒長子甫免懷小子尙在抱家貧甚賣宅以殯殮其夫勤女紅以撫遺孤長子殤爲次子婚娶夫兄歿其子尙幼伯妯亦亡方善撫之比長爲之授室

鄔氏

一作鳥

龔魁占妻魁占作客吳門不知所終鄔年二十

二家貧嘗爲人操作縫紉備歷艱辛教子成立卒年四十七咸豐四年題 旌

李氏龔光被妻生二子夫卒長子已殤次子魁榜娶妻二

年而卒李煢煢一身力持艱苦家有餘貲創建宗祠年八十六卒咸豐四年題旌

沈氏儒士陳文瑜妻性貞淑于歸後惟舅在堂沈侍奉惟謹年二十七夫卒長子章五甫七歲次子章九在襁褓中家本寒至是益窘沈上事下撫備歷艱苦喪殮之需皆自女紅出舅嘗患瘡瘍臥病經二載揩抹絹帛日凡五六易沈親自洗滌酷暑嚴寒無稍間及舅卒喪盡哀叔姒袁生女二而身歿時家已析爨沈代爲鞠育至出嫁然後已遇族人以緩急告必勉力應之訓子嚴不假辭色日就外傅夜則親督課紡績之聲與書聲相應常達旦有勸以學賈者沈以累葉書香不忍中斷課讀如故章五旋補諸生膺

鄉薦僉以爲苦節之報云卒年七十七咸豐五年題 旌

鍾氏儒士楊秉燿妻年十九適楊生一子甫八歲而夫卒
姑早歿舅貢生楊人樞衰老善病鍾侍奉惟謹家貧甚嘗
爲人紡績補綴得微貲以事其舅教子有義方生平不入
寺觀母家宅鄰閭歲時歸省必迂道遠行跬步之嚴如
此咸豐五年題 旌以上采訪冊

董氏儒士胡有楫妻結 月餘而有楫卒董苦志守貞

孝事其姑足不履庭戶雖鄰里亦罕見之咸豐五年題

旌旌冊

李氏曹來庚妻年二十二夫卒李親見三世孝事惟謹養
生送死婦道恪循嘗命其子德風修葺節孝祠年六十八

而卒咸豐六年題 旌

王氏汪祖賢妻早寡家貧甚因攜孤依於同宗爲之織紉補綴艱苦歷十餘年稍蓄微貲爲子婚娶後伯叔俱歿王率其子婦事姑以終咸豐六年題 旌

張氏武生劉榮妻年十六歸劉舅姑在堂侍奉惟謹未幾夫卒子慈厚尙在抱中撫養成立娶李氏未及三載而慈厚又卒姑媳堅守兩世完貞李繼子俊食餼郡庠咸豐八年題 旌建坊以上采訪冊

張氏鄞人年十九歸李天司夫亡無子依二女以居苦志守節歷三十一年天司居於鄞咸豐八年由鄞學題 旌

鄞志

宓氏儒士任學黜妻于歸甫八月而夫卒宓撫尸慟哭誓
以身殉邁姑施氏勸慰而止課繼子有義方以完貞終咸
豐八年題旌

王氏三節張氏王畦妻邱氏王畝妻娣姒也邱氏王震東
妻震東畦之子畦畝兄弟俱早卒張子震東在襁褓中邱
子二震乾震亨亦幼家又貧甚兩嫠婦欲以身殉者屢矣
因舅姑在堂諸孤罔託乃勉力支持日事紡績上事下育
兩盡其勞并爲子授室子亦各能自立而不料震東復卒
矣其妻邱氏誓偕姑氏守貞張憐其無出因以震亨之子
世謨爲嗣旣而震乾震亨以貨殖而家漸裕各以輸餉例
贈及先人三節婦皆

誥封宜人僉以爲苦節之報云咸豐年間題 旌

王氏周位賢妻位賢卒王年二十九時姑已年邁王事生
送死盡心盡禮子秉彝僅六歲撫養成立作買他鄉得羊
皮半臂以奉王遇隆冬卒不御秉彝跪問其故王曰汝父
宿債未完豈汝母御裘時乎秉彝如命贖券後爲巨商並
以籌餉得運同銜王亦得贈恭人僉以爲節孝之報云卒
年六十八咸豐年間題 旌

葉氏陸品賢妻年二十八夫卒事舅姑惟謹遺孤甫六歲
養教成立苦節苦心久而弗懈卒年七十三

鄭氏王東法妻旌冊法
作發年十七歸王期年而寡家綦貧與

其姑字鷺鴨以爲生艱苦同嘗撫兩夫弟至成立愛姪如

已出厥後家稍裕勤儉悉如曩時年六十二卒咸豐年間

題

旌以上采訪冊

陳氏包元勤繼妻年二十二夫卒遺孤甫三歲撫養成立
生平崇儉樸而性好施捨戚族中有告匱者必量力以應
之已則衣布茹蔬力持家政苦節三十年嘗以勤儉勸子
孫卒年五十二咸豐九年題

旌冊

汪氏雙節鄭氏汪祖塏妻夫蚤卒撫孤成立甫娶而子又
卒媳某氏年僅十七姑媳堅守兩世完貞咸豐九年題

旌

采訪冊

烈婦張氏沈可孝妻年十四歸沈十六歲成婚家貧夫充
乍浦水師賴張朝夕勤謹曲盡婦道姑病淹纏牀蓐夫又

得瘵疾以歸張以一身侍奉湯藥衣不解帶者累月姑歿夫病不能治親喪張悉力營之會夫病益劇張日夜蒸餅香默禱願以身代卒罔效夫卒撫膺大慟戚族咸勸慰之而情甘殉死至夜分遂自縊時咸豐六年十二月二十八日也年僅三十距夫死纔半日耳咸豐九年題 旌冊

烈婦徐氏佾生陳德謙妻舅姑以孝聞夫遺喉疾躬侍湯藥惟謹閱數月病革徐告母曰夫若不起女亦不欲生及夫卒哭之慟至殮事畢遂仰藥而死咸豐九年題 旌

黃氏戒仁慈妻夫病飲食藥餌調護周至踰年夫卒黃慟不欲生水漿不入口者數日曰夫死我願獨生乎遂以哀毀成疾踰數月而卒年二十七

方氏黃東麟妻東一作乘年十八歸黃踰年夫病躬侍湯藥經半載無倦容時輟飲食不敢令舅姑知及夫卒號慟不欲生延至月餘遂咯血而死

戴氏國子監生鄭傳棹妻夫卒觸棺擗踊誓以身殉雖經勸慰而止而飲食少進形神沮喪踰數月竟以哀毀而卒孝婦夏氏王拙齋妻事姑甚孝姑病革夏焚香祝天剖股和藥以進姑病遂霍然而愈僉以爲至誠所格云

王氏黃德昭

原名同昭

妻年十九成婚纔數月而夫卒舅姑亦

相繼而歿家貧豪族有諷之嫁者王以死自誓日事紡績撫九齡之叔以養以教豪復許以腴田數畝歸伊叔使自成立王厲聲峻拒之以完貞終後以叔之子爲嗣

曹氏三節胡氏曹來瀚妻顧氏曹來衢妻梅氏曹來忠妻
娣姒也胡年二十四而寡願年二十五而寡梅年亦二十
四而寡俱無子撫從子爲嗣上事下撫兩盡勤劬冰蘖之
操互相砥礪郡守陳泰來爲之合請 旌表胡繼子紳國
子監生顧繼子賡陞郡廩生梅以繼子昌燮官翰林院編
修加級請封

誥贈恭人

張氏沈天鳳妻生一女而夫卒張年二十六躬勤織紉以
事邁年之姑撫姪爲嗣教養成立卒年七十九咸豐年間
題 旌

陳氏沈在錕妻年十八歸沈生一子一女在錕業賈外洋

歿於水陳年二十二聞訃哀慟幾不欲生因呱呱者在側節哀自持撫養成人備歷艱苦卒年七十九咸豐年間題旌

洪氏王應龍妻年二十八夫卒矢志守貞事姑惟謹撫育遺孤俾克成立卒年八十八咸豐年間題旌

沈氏陳懋賢妻夫蚤卒家貧遺孤一兼祧伯氏伯姒性嚴沈事之如姑無少嫌隙躬勤操作矢志完貞卒年九十一咸豐年間題旌

陳氏吳善祿妻年二十四而寡舅姑在堂奉侍惟謹一生苦節人皆稱之卒年七十二咸豐年間題旌

唐氏樂秉義妻年二十四夫卒肅雌闔勤紡績苦志堅守

以完貞終

以上采訪冊

王氏方以覲妻以覲道光乙酉拔貢生

朝考一等官工部營繕司卒於京邸時王年二十七計聞
哀毀幾絕因舅姑在堂遺孤尙幼節哀自持上事下育備
歷艱苦子稍長課以讀書俾承父志苦節三十餘年至五
十九而卒咸豐十一年題 旌子祖誥中同治癸酉舉人
葛氏張錫慶妻年二十八夫卒祖姑在堂家貧必竭力以
供甘旨尤能先意承志得垂白歎一生紡績勤劬至老弗
倦咸豐十一年題 旌

包氏武生武安邦妻年二十歸武生一子一女而夫卒包
年二十八躬行勤儉矢志守貞迨子女婚嫁畢長齋繡佛

靜修一室外事概不問卒年六十二咸豐十一年題 旌

以上
旌冊

沃氏徐錫齡妻夫蚤卒矢志守貞事繼姑本生姑兩得歡
心子蔭堂甫娶金氏而子又卒沃撫媳甚慈與之堅守卒
年六十六咸豐年間題 旌

沈氏許字丁學秀方議娶會學秀病瘵而止後病益劇沈
亟請於父欲歸丁躬侍湯藥舅姑嘉其志遂迎之歸而學
秀旋卒沈易服執喪願事舅姑以終其身舅姑歿喪葬如
禮撫繼子成立艱苦之操數十年如一日云咸豐年間題
旌

林氏王德義妻夫卒家貧日事女紅以撫育二子稍長督

課甚嚴教以成立一生勤儉勉力支持爲二子授室宗黨稱其賢

邱氏黃選之妻

黃一作莊

于歸數載而夫卒無子邱矢志堅守

事舅姑以孝聞喪殮之需自女紅出一生苦節鄉里稱之烈婦朱氏金廷標妻年十九適金未逾年而夫卒舅姑俱早亡熒熒無依或諷以改適卽失聲痛哭幾不欲生慈谿馮某聞而敬之因延至家菴同女伴靜修幾三十年咸豐十一年九月粵匪竄入慈城金恐被辱投井而死僉以爲節烈兼至云

陳氏王其淵妻年二十六夫卒矢志守節歷四十一年子

克勤咸豐十一年殉難省垣

以上采訪冊

俞氏周大庭妻咸豐十年二月二十七日殉難

浙江忠義錄

李氏周大庭繼妻

案節孝祠主大庭作大亭

咸豐十一年十一月二十

八日賊至大庭死難李同殉

浙江忠義錄

某氏慈谿人適邑人傅和族夫卒撫養子女備著勤勞咸豐十一年十一月粵匪擾上傅村氏投水死

貞女宋氏儒士汪祖和聘妻年十六適汪未成婚而汪氏子死父母欲使之返女曰姑待我厚不忍去之且姑憐我者幼而無依獨不念姑老而誰事乎兒志已決請勿憂父母從其志守貞二十年敬事其姑無少懈卒年三十六

曹氏儒士胡宋玠繼妻結褵甫二載而夫卒藉女紅爲糊口計善事舅姑前妻生子視如己出年僅三十而卒

孫氏劉茂堂妻夫卒矢志柏舟且完已節以全人節時鄰
居嫠婦有貧無所賴者必勉力以佐之至其子成立然後
已教二子有義方足不入寺觀督學周獎以貞松晚翠題
額

王氏范德泮妻同治元年五月賊犯慈谿鳴鶴場德泮充
鄉勇禦之陡塘橋中槍受傷歸八月賊竄入邑之楊范村
德泮創猶未愈扶母而奔父聖輔被賊殺王氏殉難逾年
德泮以傷重死

烈女范氏范聖輔女同治元年八月二十三日賊犯楊范
村父遇害女亦被賊殺

江氏邱世瑤聘妻性貞淑年十七未于歸而夫卒女聞訃

泣告父母曰女已字邱卽邱氏婦也誓不改字舅姑嘉其志迎之歸江恪循婦道苦志守貞撫姪鼎成爲嗣教以成立冰檠之操歷三十餘年如一日云卒年五十四同治四年題 旌

貞女汪氏汪承謨女母羅氏女幼字周光慶子正鶴年十七未婚而正鶴卒女聞訃號泣將奔其喪夫家故赤貧慮無以贍女固拒之女誓不更字泣告父母願依以終身父母知其志不可奪而又憫其孤苦於宅邊別構數椽以居之復予田十餘畝爲餬口資女獨居一室足不履戶外生平未嘗詣寺觀不與外人交一言雖戚屬往問恆卻不見性孝父歿後女念母老邀與同居朝夕侍奉依依如少時

道光十二年卒計守貞三十五年同治五年題

旌以上采訪

冊

胡氏周世棣妻世棣故壯健有膽智咸豐十一年爲賊所擄賊令出買馬而三賊監之行世棣曰吾四人不足以集事賊渠令自選壯夫世棣得鄉人同陷賊者六人俱道出鄞東鄉地僻遂手刃三賊其一蓋佯死世棣不知也遣鄉人自歸復持賊令箭入郡城出被擄男女數十人夜半東鄉佯死賊歸告賊渠大怒率羣賊掩至世棣家世棣跳身走賊執胡及其姑胡誓死矣不忍姑同死給賊曰吾倉猝來家有貲重恐爲他人有請以吾爲質釋姑歸取富分饋耳姑已去胡遂仰藥死於是世棣母子皆得免同治五年

題

旌

浙江忠義錄

貞女戴氏戴文孝女母邵氏女少字鄭玉珍年十六適鄭未成婚踰年玉珍病戴躬侍湯藥衣不解帶者累月而玉珍終不起戴哭之慟幾不欲生舅姑以戴年僅十七且未廟見將勸令改適而難於明言戴微窺之號泣自陳誓不他適舅姑嘉其志弗強也性嚴正家貧以紡績佐之舅姑歿竭力殯葬皆出自女紅戚屬咸稱其孝

胡氏石傳淦妻舅姑在堂胡恪守如道未幾夫病醫藥罔效割股以進夫卒胡年二十四撫養二子成立長子又夭偕媳梅氏勵志堅守粵匪擾鄉村避迹花岡糧盡不顧卒以保全胡守節三十八年

王氏顧德潤妻年十六適顧結褵未三月而夫卒矢志守貞夫弟年僅十齡賴王撫養成人爲之婚娶後撫姪爲嗣家貧紡績度日卒年三十三

案采訪冊又有王氏顧富潤妻年月俱同似係一人因夫名一字之異姑另入姓氏錄

陸氏袁肇燁妻夫業賈海門病卒陸年二十四攜孤扶柩歸里艱苦萬狀舅姑歿喪葬盡禮守節五十一年

胡氏鄭夫名妻夫蚤卒無子胡善事舅姑撫諸姪如己出

勤於女紅足不入寺觀

陳氏洪雅縣知縣張錫路妾年十六適張道光二十三年由任所從夫奔舅喪回里服闋後夫候選京邸陳隨往途

次夫病侍奉湯藥無少懈及夫卒哀毀幾絕強起視事扶
柩攜子回籍往返閱七月備歷艱苦時年二十三事姑惟
謹待嫡子如己出撫所生子成人卒年四十四

陳氏王懋賞妻年二十一而寡姑早歿舅已邁年陳敬事
無缺遺孕生一子上事下撫以完貞終卒年六十一

杜氏董槐卿妻年二十一適董夫業賈於蘇結褵未五月
而寡家貧勤女紅以事舅姑矢志守貞而家世零丁無可
爲後者戚屬咸憫其苦節

貞女周氏許字方仁厚年二十一歸方適仁厚已病未成
婚甫一月而卒周矢志完貞以夫弟之子爲嗣撫之如己
出卒年五十六

華氏胡宏備妻年十八適胡逾年而夫卒家貧日事紡績以養其姑姑歿喪葬如禮卒年五十一

張氏金殿魚妻年二十成婚甫一月而夫卒姑甚憐之張尤孝事其姑歷二十餘年無少懈卒年四十四

白氏胡載顯妻幼時善事父母及適胡事舅姑惟謹舅歿益孝事其姑夫卒姑哭之慟白勸慰之因撫其孤曰是呱呱者足以成吾家也遂節哀教育備歷艱苦卒年四十四計守節二十年

周氏任倫行妻其夫以捕魚爲業歿於海周年僅二十二子甫三歲節哀事姑兼撫遺孤家又疊遭火燬戚屬憫其苦有諷以改適者周矢志堅守以完貞終

金溪縣志 卷二十一
陳氏丁起譽妻

起一
作啟

年二十二適丁事舅姑以孝道光二

十一年八月城陷夫殉難陳卽欲自盡緣懷孕九月成勸

慰之爲嗣續計後果生一子時年二十八家貧紡績度日

撫養遺孤年僅三十八而卒

以上采訪冊同
治年間題旌

孝女王氏王文泗女父歿母瞽家貧甚字江南鄉石橋前
俞姓幼卽養於夫家每念瞽母嘗餒恆減食私蓄聚米升
餘乘閒亡歸以供母食并爲洗沐而返如是經數年姑悍
屢加詬罵女終不懈合昏後竟以是痛毆而死

王氏夏聰懿妻年二十歸夏踰年夫業賈廣東遇風覆舟
而歿遺孕生一子上事下撫勤苦萬狀迨舅姑歿歸事其
母以孝聞

劉氏方仁和妻性嚴重而事舅姑能婉婉得懽心未數載夫服賈申江扶疾歸卒於途劉聞喪至一慟幾絕旣而遺孤又殤形神益悴賴姑再三慰諭始操井臼屢勉從事時劉爲冢婦有娣姒六人皆同爨食指浩繁劉日夕佐其姑躬治內政與築里雍睦無間言家日以起待諸姪尤有恩誼嘗語人曰猶子卽子也吾撫之以慈則彼自能以母事我聞者無不歎服凡守節三十餘年卒同治九年題旌童氏方仁沛妻事舅姑以孝稱道光十九年海疆變起仁沛奉其母孳眷避居金閩病卒年僅二十五童哀痛幾不欲生厥後扶夫柩歸葬撫孤子及二女至長備極勞瘁時其家以夫兄弟善賈隆隆日起而童布衣蔬食篝燈課織

不改嫠婦本色宗黨賢之同治九年題 旌

鄭氏諸生方義存妻年二十歸義存義存故好學遊庠後益銳志舉業鄭每夕至漏三下猶剪燈紡織於傍以佐其讀既而夫亡矢志靡它事舅姑甚孝至中裙廁踰亦必躬自浣滌不敢以處境之豐假手傭婦輩凡守貞十載卒同治十二年題 旌

劉氏國子監生方義封繼妻年二十三歸方甫三載夫卒無子而劉誓志守貞時舅姑皆已卒惟太姑在堂劉事之甚孝逢歲時祭祀必泣然曰翁姑吾未逮事也夫君吾未終事也今僅接於几筵間蘋蘩之供敢不誠敬生平樸素自安處境雖豐每謂羅綺珠玉非未亡人所宜日惟長齋

誦經然終身不入寺觀凡守節十七年而卒臨歿前數日
以己無所出遺命以夫從弟義路次子積馭爲嗣云

施氏徐二珽妻西管鄉後雁宕村人年十九適徐事舅姑
甚孝夫卒施年二十七子甫六齡觸棺擗踊幾不欲生其
舅一才諭之曰兒不壽命也爾能節哀撫孤便成佳婦施
卽奉命又生遺腹子而殤從此不事梳飾撫養遺孤苦節
三十六年如一日云同治十二年題 旌

王氏方正蓮妻夫卒王矢志守貞事姑十五年奉養無缺
歿則喪葬如禮平居足不出庭戶布衣蔬食以終其身同

治十二年題

旌以上采
訪冊

葉氏國子監生君安女許字郵湯良琦葉與湯係舊戚未

婚歸女於湯及婚有期而良琦遽以病卒時湯氏宗祠落成族議未成婚者主不得入女聞卽稟舅姑整衣登堂抱良琦木主與之成禮一時莫不稱嘆旣而舅姑以女年少恐貽後悔謀改適女知之憤鬱成疾而卒年二十三

鄭志

貞女虞氏林堯妻

一作林氏
夫虞姓

年二十未歸而夫卒訃聞欲

過夫家守志父母阻之一日給父母曰兒家居無聊曷往訪親串以伸積愆父母許諾遂徑至夫家毀容服志曲盡道家貧勤於女紅矢志堅守卒年四十

王氏四節龍山所城東門外王啓運妻戎氏姪一元妻任氏堂姪諸生一清妻邱氏堂姪孫用介妻鄭氏俱早寡無子家赤貧永矢堅貞力勤紡績戎氏邱氏俱以壽終任氏

有殊色嘗歸母家鄰有豪族豔之以重聘啖其母諷使改適任以死自誓志益堅茹冰檠者五十載鄭氏未婚女年十三夫客外被寇掠父母議以女改字鄭不可轉以大義曉父母夫久無耗設木主以行夫婦禮竭力事舅姑悉無怨言年二十九遽以疾卒

以上采訪冊

范氏黃吉人妻夫卒無子有讒以改適者輒怒形於色而矢志彌堅日事紡績爲餬口計撫姪國本爲嗣卒年八十四

華氏黃來貴妻年二十四夫卒一生勤儉苦志守貞卒年六十八

葉氏黃華雲妻年二十四而寡遺孤復殤與其姑形影相

弔藉女紅爲餽口計或諷之曰孤苦如是而又乏嗣何不
自爲計耶葉曰是有命也未亡人惟知死守而已矢志愈
堅卒完貞節

采訪冊以上三
人由省局旌

鄭氏黃兆月妻夫蚤卒舅姑在堂勤紡織操井曰竭力以
供甘旨遺孕生一子以養以教俾克成立而家亦漸裕僉
謂苦節之報卒年六十六有司上其事題旌建坊

金氏邱紹森妻年十八于歸時夫已病危躬侍湯藥十四
日而夫卒金欲以身殉經姑諭而止家貧苦志守貞時遭
寇警奉姑遠避寇退復返一路扶持皆身任之年甫四十
七而卒

王氏金立千妻年二十七夫亡守節舅姑性嚴峻王惟婉

婉聽從無少忤足不踰閫教子有義方里黨有告匱者必
量力濟之計守節四十年

黃氏周亦紀妻年十八歸周家甚貧夫嘗患病乃益窘及
夫卒餬口無計因爲人傭工以所入之值養其姑又無子
撫姪爲嗣爲之授室卒年五十

王氏余立功妻年二十八夫卒事姑盡孝鄉里賢之卒年
六十一

陳氏周夫失名妻性貞靜事姑二十二年尤能體順盡孝夫

歿後益以勤儉自勵訓子有義方親鄰貧乏者賙之久而

弗懈尤稱淑德云

以上采訪冊

貞女楊氏楊范人父成山母范氏俱蚤卒貞女幼失怙恃

祖母王撫養之少時舉止端莊比鄰范欽元貞女父執也見而器重之爰通媒妁爲次子庭芸配女年十八納徵有日而庭芸卒訃聞貞女痛不欲生經祖母勸慰之乃止自是食不茹葷衣不采色雖炊爨時亦涔涔淚下未幾有議婚者祖母將許之貞女泣而告曰女子之道從一而終祖母欲孫女有所適則適范而已其祖母知貞女志堅遂不復言及祖母卒貞女欲適范范託辭以謝踰數年又欲適范范以貧不能膳辭如是者三貞女知身終無所歸惟於弟家待死而已弟克紹業賈於外其妻高氏賴貞女共操家政歷數十年如一日云道光三十年貞女卒年六十九貞女王氏朱承清聘妻年十七爲朱養媳踰年未成婚而

夫卒王矢志守貞恪循婦職事舅姑以孝聞同治癸亥年卒守節二十一年

胡氏國子監生劉和琨妻年二十于歸生二子至二十六歲舅卒越百日而夫復卒哀毀幾絕事姑克盡婦道撫孤成立守節十四年而卒

曹氏儒士胡宋芬妻生二子夫卒曹年二十八矢志靡他事舅姑益謹舅姑歿喪葬如禮長子夭折撫弱媳林氏共持堅苦以完貞終

烈婦俞氏國子監生葉逢春妻夫婦愛敬甚篤同治五年四月逢春病卒俞號泣不已未殮遂自盡

烈婦曹氏諸生胡鴻銓妻年二十八夫卒痛不欲生水漿

不入口越七日遂卒

王氏范兆祖妻年十八歸范結褵未一月夫赴杭業賈踰年病卒王至杭扶柩回里安葬備歷艱辛其母勸以改適女勃然色變誓以死守自是躬勤紡績歷數十年以完貞終

烈婦王氏王秀豐女歸范士標孝事舅姑生子不育士標因復納妾生二子而士標卒王躬親撫養不啻己出同治元年八月粵匪竄入松浦王屬其妾曰汝速攜二子遠避以延宗祀我姑守此蓋已視死如歸矣未幾賊至遂躍入池中死半月始殮顏色如生

朱氏諸生包致和妻生一女而夫卒朱年二十八有遺孕

生子咸懋朱撫養成人備歷艱苦卒年六十餘

忻氏董德佑妻年十八夫卒無子家貧甚矢志守貞立繼子以延夫後年五十一無疾而卒異香滿室僉謂苦節之

驗云

以上光緒五年
詳請旌表

補遺

李氏舟山所百戶邢國泰妻國泰禦倭死難李截髮矢志撫養遺孤繼勳成立女紅之外不預他務繼勳長襲職事母亦以孝聞

貞女張氏許字林行梓年二十未于歸而行梓卒張誓不改字遂歸林以遂其志舅早歿事姑惟謹閱四載姑又歿夫弟纔四歲撫養成人爲之婚娶後以夫弟長子忠烜爲

嗣卒年四十七咸豐八年題 旌

烈婦方氏年及笄歸崇邱嚴懷昌子翼經翼經患風痺歷
十餘年方事之惟謹出入必負之雖酷暑嚴寒無少懈而
翼經卒不起方痛不欲生誓以身殉舅姑曲諭之乃止會
有議婚者舅姑許之聘有日矣方知之欲請終喪以緩之
不許請歸告其母許之因泣謂母曰烈女不事二夫兒分
作嚴氏鬼矣持母大慟踰時卽歸至半途遂赴水死

沈氏張祖孝妻祖孝操舟爲業歿於水沈年甫十七矢志
守貞事舅姑二十餘年奉養無缺守節四十七年而卒

徐氏王烈惠妻年二十三夫卒事姑十年恪守婦道積女
紅之貨爲舅姑殯葬并葬其夫撫繼子成人鄉里稱善

貞女夏氏幼字葉佐椿年十四歸葉未成婚而夫卒時女
年甫十七誓不改字苦志守貞家貧舅老勤紡績以供甘
旨歷二十餘年舅歿喪葬如禮撫姪爲後卒年四十三
賀氏年二十二歸廩貢生王芝孫之子以壽結褵纔兩月
而以壽死舅姑俱在堂賀含哀飲泣婦道恪循姑病瘋淹
纏牀褥事之不離左右姑歿喪盡哀而舅又患心疾賀侍
奉惟謹踰年舅歿孤苦益甚遂鬱鬱成疾而卒守節十一
年宗黨賢之

賢婦鄭氏幼秉姆教既長歸周君大聘姑在堂善事之歡
若兒女性好施與族有貧且病者抽簪珥爲貨藥資不起
則經紀其喪無所靳撫養五子既成立時粵匪犯甯郡英

人鑿江北要害之地爲新江害於行民不惜巨貲命其子
椽木壘石跨以飛梁往來皆履其德云

以上采訪